

水經注匯校卷二十六

江西新城楊希閔卧雲校本

後魏 酈道元 撰

沫水 巨洋水 淄水

汶水 濰水 膠水

沫水出琅邪東莞縣西北山

大弁山與小泰山連麓而異名也引控衆流積以成川東南流逕邳鄉南南去縣八十許里城有三面而不周于南故俗謂之半城沫水又東南流左合峴水水北出大峴山東南流逕邳鄉東東南流注于沫水也

東南過其縣東

沫水左與箕山之水合水東出諸縣西箕山劉澄之以爲

水經注匯校卷二十六

許由之所隱也更爲巨謬矣其水西南流注于沫水也

又東南過莒縣東

地理志曰莒子之國盈姓也少昊後列女傳曰齊人杞梁殖襲莒戰死其妻將赴之道逢齊莊公公將弔之杞梁妻曰如殖死有罪君何辱命焉如殖無罪有先人之傲廬在下妾不敢與郊弔公旋車弔諸室妻乃哭于城下七日而城崩故琴操云殖死妻援琴作歌曰樂莫樂兮新相知悲莫悲兮生別離何云按此二句乃九歌少司命之詞哀感皇天城爲之墮卽是城也其城三重並悉崇峻惟南開一門內城方十二里郭周四十許里尸子曰莒君好鬼巫而國亡無知之難小白奔焉樂毅攻齊守險全國秦始皇縣之漢興以爲城陽

國封朱虛侯章治莒王莽之莒陵也光武合城陽國爲琅邪國以封皇子京雅好宮室窮極伎巧壁帶飾以金銀明帝時京不安莒移治開陽矣朱箋後漢書是章帝時此云明帝誤沭水又南袁公水東出清山遵坤維而注沭沭水又南潯水注之水出于巨公之山西南流舊竭以溉田東西二十里南北十五里潯水又西南流入沭沭水又南與葛陂水會水發三柱山西南流逕辟城南閱案舊作辟城之南官本作辟土城南今依戴趙本世謂之辟陽城史記建元以來王子侯者年表曰漢武帝元朔二年封城陽共王子節侯劉壯爲侯國也全云索隱以爲屬陽此從東海而善長曰城史表其水于邑積以爲陂謂之辟陽湖西南流注于沭水也

水經注匯校

卷二十六

二

又南過陽都縣東入于沂

沭水自陽都縣又南會武陽溝水水東出倉山山上有故城世謂之監官城非也卽古有利城矣漢武帝元朔四年封城陽共王子劉釘爲侯國也全云按本表曰東海而善長以爲城陽其城

因山爲基水導山下西北流謂之武陽溝又西至卽丘縣注于沭沭水又南逕東海郡卽丘縣故春秋之祝丘也桓公五年經書齊侯鄭伯如紀城祝丘左傳曰齊鄭朝紀欲襲之漢立爲縣王莽更之曰就信也郡國志曰自東海分屬琅邪闕駟曰卽祝魯之音蓋字承讀變矣沭水又南逕東海厚丘縣王莽更之曰祝其亭也分爲二瀆一瀆西南出今無水世謂之枯沭一瀆南逕建陵縣故城東漢景帝

六年封衛綰爲侯國王莽更之曰付亭也沔水又南逕建陵山西魏正光中齊王之鎮徐州也立大竭遏水西流兩瀆之會置城防之曰曲沔戍自成流三十里閱案舊本作官本自下加竭字戴本改作堰字趙本又作成今依趙本西注沔水舊瀆謂之新渠舊瀆自厚丘西南出左會新渠南入淮陽宿預縣注泗水地理志所謂至下邳注泗者也經言于陽都入沂非矣沔水左瀆自大堰水斷故瀆東南出桑堰水注之水出襄賁縣何云賁音肥泉流東注沔瀆又南左合橫溝水水發瀆右東入沔之故瀆又南暨于堰閱案堰官本作遏趙本作竭今依戴本其水西南流逕司吾山東又逕司吾縣故城西春秋左傳楚執鍾吾子以爲司吾縣王莽更之曰息吾也又西南至宿預注泗水

也沔水故瀆自下堰東南逕司吾城東又東南歷祖口城中祖水出于楚之祖地春秋襄公十年經書公與晉及諸侯會吳于祖京相璠曰宋地今彭城偃陽縣西北有祖水溝去偃陽八十里東南流逕傅陽縣故城東北地理志曰故偃陽國也春秋左傳襄公十年夏四月戊午會于祖晉荀偃士句請伐偃陽而封宋向戌焉荀偃曰城小而固勝之不武弗勝爲笑固請丙寅圍之弗克孟氏之臣秦堇父輦重如役偃陽人啓門諸侯之士門焉縣門發鄴人紘挾之以出門者狄虺彌建大車之輪而蒙之以甲以爲櫓左執之右拔戟以成一隊孟獻子曰詩所謂有力如虎者也主人縣布堇父登之及堞而絕之墜則又縣之蘇而復上

者三主入辭焉乃退帶其斷以徇于軍三日諸侯之師久于偃陽請歸智伯怒曰七日不克爾乎取之以謝罪也荀偃士匄攻之親受矢石遂滅之以偃陽子歸獻于武宮謂之夷俘偃陽妘姓也漢以爲縣漢武帝元朔三年封齊孝王子劉就爲侯國王莽更之曰輔陽也郡國志曰偃陽有粗水粗水又東南亂于沂而注于沐謂之粗口城得其名矣東南至胸縣入游注海也

巨洋水出朱虛縣泰山北過其縣西

泰山即東小泰山也巨洋水即國語所謂具水矣袁宏謂之巨昧王韶之以爲巨蔑亦或曰胸瀾皆一水也而廣其目焉其水北流逕朱虛縣故城西漢惠帝二年封齊悼惠

水經注匯校 卷二十六

王子劉章爲侯國地理風俗記曰丹山在西南丹水所出東入海丹水由朱虛丘阜矣故言朱虛城西有長坂遠峻名爲破車峴城東北二十里有丹山世謂之凡山縣在西南非山也丹凡字相類音從字變也丹水有二源各導一山世謂之東丹西丹水也西丹水自凡山北流逕劇縣故城東東丹水注之水出方山山有二水一水即東丹水也北逕縣合西丹水而亂流又東北出逕漪薄澗北漪水亦出方山流入平壽縣積而爲渚水盛則北注東南流屈而東北流逕平壽縣故城西而北入丹水謂之魚合口丹水

又東北逕望海臺東東北注海蓋亦縣所氏者也

趙云漢志有平望縣而平望臺一名望海臺注無平望之目而云蓋亦縣所氏可云疏鹵矣 閱案注文或當作又東北逕平望臺

東一曰望海臺東北注海
文有脫漏未必果疏也

又北過臨朐縣東

巨洋水自朱虛北入臨朐縣熏冶泉水注之水出西溪飛
泉側瀨于窮坎之下泉溪之上源麓之側有一祠目之為
冶泉祠按廣雅金神謂之清明斯地蓋古冶官所在故水
取稱焉水色澄明而清洽特異淵無潛石淺鏤沙文中有
古壇參差相對後人微加功飾以為嬉遊之處南北邃岸
凌空疎木交合先公以太和中作鎮海岱余總角之年侍
節東州至若炎夏火流閒居倦想提琴命友嬉娛永日桂
筍尋波輕林委浪琴歌既洽歡情亦暢是焉棲寄寔可憑
衿小東有一湖佳饒鮮筍匪直芳齊芍藥寔亦潔並飛鱗

水經注匯校

卷二十六

五

其水東北流入巨洋謂之熏冶泉巨洋水

閱案三字
依戴本加

又逕

臨朐縣故城東城古伯氏駢邑也漢武帝元朔元年封菑

川懿王子劉奴為侯國應劭曰臨朐山名也

趙云朐是山
名又是水名

縣名臨朐以城臨側之也漢志注引應劭曰臨朐
山謂臨側朐山也非以臨朐為山之名善長誤矣故縣氏

之朐亦水名其城側臨朐川是以王莽用表厥稱焉城上

下治水悉是劉武皇北伐廣固營壘所在矣巨洋水

閱案
官本

脫水字依
戴本加

又東北逕委粟山東孤阜秀立形若委粟又東

北洋水注之水西出石膏山西北石澗口東南逕逢山祠

西洋水又東南歷逢山下即石膏山也山麓三成壁立直

上山上有石鼓鳴則年凶郭緣生續述征記曰逢山在廣

固南三十里有祠并石鼓齊地將亂石人輒打石鼓聲聞

數十里。洋水歷其陰而東北流。世謂之石溝水。東北流出于委粟山北而東注于巨洋。謂之石溝口。然是水下流亦有時通塞。及其春夏水汎川瀾無輟。亦或謂之爲龍泉水。地理志石膏山洋水所出是也。今于此縣惟是瀆當之似符羣證矣。巨洋水又東北得邳泉口。泉源西出平地東流注于巨洋水。巨洋水又北會建德水。水西發逢山阜而東流入巨洋水也。

又北過劇縣西

巨洋水又東北合康浪水。水發縣西南嶼山。無事樹木而圓峭孤峙。嶺岼分立。左思齊都賦曰：嶼嶺鎮其左是也。康浪水北流注于巨洋水。閱案官本脫水字依戴本加下同巨洋水又東北

水經注匯校

卷二十六

六

逕劇縣故城西。古紀國也。春秋莊公四年紀侯不能下齊以與弟季大去其國。違齊難也。後改曰劇。故魯連子曰：胸劇之人辯者也。漢文帝十八年別爲菑川國。後并北海漢武帝元朔二年封菑川懿王子劉錯爲侯。國王莽更之曰俞縣也。城之北側有故臺。臺西有方池。晏謨曰：西去齊城九十七里。耿弇破張步于臨淄。追至巨洋水上。僵尸相屬。卽是水也。巨洋水又東北逕晉龍驤將軍幽州刺史辟間。渾墓東而東北流。墓側有一墳甚高大。時人咸謂之爲馬陵。而不知誰之丘壟也。巨洋水又東北逕益縣故城。東王莽更之曰滌蕩也。案滌蕩今漢書作探陽晏謨曰：南去齊城五十里。司馬宣王伐公孫淵。北徙豐人住于此城。遂改名爲南豐。

城也。又東北積而為潭，枝津出焉，謂之百尺溝。西北流逕北益都城。漢武帝元朔元年封菑川懿王子劉明為侯國。又西北流而注于巨淀矣。

又東北過壽光縣西

巨洋水自巨淀湖東北流逕縣故城西。王莽之翼平亭也。漢光武建武二年封更始子鯉為侯國。城之西南水東有孔子石室故廟堂也。中有孔子像。弟子問經。既無碑誌。未詳所立。全云按于欽言水經之說。非也。乃是倉頡墓中石室。巨洋水又東北流堯水注之水出劇縣南角崩山。即故義山也。俗人以其山角若崩。因名為角崩山。亦名為角林山。皆世俗音譌也。水即蕤水矣。地理志曰劇縣有義山。蕤水所出也。北逕嶼山。東俗亦

水經注匯校

卷二十六

七

名之為青山矣。堯水又東北逕東西壽光二城間。應劭曰壽光縣有灌亭。杜預曰在縣東南。斟灌國也。又言斟亭在平壽縣東南。平壽故城在白狼水西。今北海郡治水上。承營陵縣之下流。東北逕城東西入別畫湖。亦曰朕懷湖。湖東西二十里。南北三十里。東北入海。斟亭在漑水東。水出桑犢亭東覆甌山。亭故高密郡治。世謂之故郡城。山謂之塔山水。曰鹿孟水。亦曰戾孟水。皆非也。地理志桑犢北海之屬縣矣。有覆甌山。漑水所出。北逕斟亭。西北合白狼水。按地理志北海有斟縣。京相璠曰故斟尋國。禹後西北去灌亭九十里。漑水又北逕寒亭。西而入別畫湖。郡國志曰平壽有斟城。有寒亭。薛瓚漢書集注云按汲郡古文相居

斟灌東郡灌是也明帝以封周後改曰衛斟尋在河南非平壽也又云太康居斟尋羿亦居之桀又居之尙書序曰太康失國兄弟五人徙于河汭此卽太康之居爲近洛也余考瓚所據今河南有尋地衛國有觀土國語曰啓有五觀謂之姦子五觀蓋其名也所處之邑其名曰觀皇甫謐曰衛地又云夏相徙帝丘依同姓之諸侯于斟尋氏卽汲冢書云相居斟灌也旣依斟尋明斟尋非一居矣窮后旣仗善射篡相寒浞亦因逢蒙弑羿卽其居以生澆因其室而有豷故春秋襄公四年魏絳曰澆用師滅斟灌及斟尋氏處澆于過處豷于戈是以伍員言于吳子曰過澆殺斟灌以伐斟尋處也有夏之遺臣曰靡事羿羿之死也逃于

水經注匯校

卷二十六

八

鬲氏今鬲縣也收斟灌斟尋二國之餘燼殺寒浞而立少康滅之有窮遂亡也是蓋寓其居而生其稱宅其業而表其邑縱遺文沿禡亭郭有傳未可以彼有灌目謂專此爲非捨此尋名而專彼爲是以土推傳應氏之據亦可按矣堯水又東北注巨洋伏琛晏謨並言堯嘗頓駕于此故受名焉非也地理志曰澗水自劇東北至壽光入海沿其逕趣卽是水也

又東北入于海

巨洋水東北逕望海臺西東北流伏琛晏謨並以爲平望亭在平壽縣故城西北八十里古縣又或言秦始皇升以望海因曰望海臺未詳也按史記漢武帝元朔二年封菑

川懿王子劉賞爲侯國又東北注于海也

淄水出泰山萊蕪縣原山

淄水出縣西南山下世謂之原泉地理志曰原山淄水所出故經有原山之論矣淮南子曰水出自飴山蓋山別名也東北流逕萊蕪谷屈而西北流逕其縣故城南從征記曰城在萊蕪谷當路阻絕兩山間道由南北門漢末有范史雲爲萊蕪令言萊蕪在齊非魯所得引舊說云齊靈公滅萊蕪民播流此谷邑落荒蕪故曰萊蕪禹貢所謂萊夷也夾谷之會齊侯使萊人以兵劫魯侯宣尼稱夷不亂華是也余按泰無萊柞並山名也郡縣取目焉漢高祖置左傳曰與之無山及萊柞是也案左傳季孫以桃邑與孟氏易成還杞謝息辭以無山與

水經注匯校

卷二十六

九

之萊柞是言成有山今桃乃無山耳此誤引何云左傳辭以無山蓋有無之無非山名酈氏誤也事見昭公七年應劭十三州記曰太山萊蕪縣魯之萊柞邑淄水又西北轉逕城西又東北流與一水合水出縣東南俗謂之家桑谷水從征記名曰聖水列仙傳曰鹿皮公者淄川人也少爲府小史才巧舉手成器山岑上有神泉人不能到小史白府君請木工斤斧三十人作轉輪造縣閣意思橫生數十日梯道成上其巔作祠屋留止其旁其二間以自固食芝草飲神泉七十餘年淄水來山下呼宗族得六十餘人命上山半水出盡漂一郡沒者萬計小史辭遣家室令下山著鹿皮衣升閣而去後百餘年下賣藥齊市也其水西北流注淄水又北出山謂之萊蕪口東北流者也

東北過臨淄縣東

淄水自山東北流逕牛山西又東逕臨淄縣故城南東得天齊水口水出南郊山下謂之天齊淵五泉並出南北三百步廣十步山卽牛山也左思齊都賦曰牛嶺鎮其南者也水在齊八祠中齊之爲名起于此矣地理風俗記曰齊所以爲齊者卽天齊淵名也其水北流注于淄水淄水又東逕四豪冢北水南山下有四冢方基圓墳咸高七尺東西直列是田氏四王冢也淄水又東北逕蕩陰里西水東有冢一基三墳東西八十步是烈士公孫接田開疆古冶子之墳也晏子惡其勇而無禮投桃以斃之死葬陽里卽此也淄水又北逕其城東城臨淄水故曰臨淄王莽之齊

水經注匯校

卷二十六

十

陵縣也爾雅曰水出其前左爲營丘武王以其地封太公望賜之以四履都營丘爲齊或以爲都營陵史記周成王封師尙父于營丘東就國道宿行遲萊侯與之爭營丘逆旅之人曰吾聞時難得而易失客寢安殆非就封者也太公聞之夜衣而行至營丘陵亦丘也獻公自營丘徙臨淄余按營陵城南無水惟城北有一水世謂之白狼水西出丹山俗謂凡山也東北流由爾雅出前左之文不得以爲營丘矣營丘者山名也詩所謂子之營兮遭我乎狃之間兮作者多以丘陵號同緣陵又去萊差近咸言太公所封考之春秋經書諸侯城緣陵左傳曰遷杞也毛詩鄭注並無營字瓚以爲非近之今臨淄城中有丘在小城內周迴

三百步高九丈北降丈五淄水出其前故有營丘之名與爾雅相符城對天齊淵故城有齊城之稱是以晏子言始爽鳩氏居之逢伯陵居之太公居之又曰先君太公築營之丘季札觀風聞齊音曰泱泱乎大風也哉表東海者其太公平田巴入齊過淄自鏡郭景純言齊之營丘淄水逕其南及東也非營陵明矣獻公之徙其猶晉氏深翼名絳非謂自營陵而之也其外郭卽獻公所徙臨淄城也世謂之虜城言齊湣王伐燕燕王噲死虜其民實諸郭閱案實今依官本戴本趙本仍作寶謂民卽旄倪寶卽重器此太泥與上下文不貫因以名之秦始皇三十四年滅齊爲郡治臨淄漢高帝六年封子肥于齊爲王國王莽更名濟南也戰國策曰田單爲齊相過淄水有

水經注匯校

卷二十六

七

老人涉淄而出不能行坐沙中單乃解裘于斯水之上也又東過利縣東

淄水自縣東北流逕東安平城北又東逕巨淀縣故城南征和四年漢武帝幸東萊臨大海三月耕巨淀卽此也縣東南則巨淀湖蓋以水受名也淄水又東北逕廣饒縣故城南漢武帝元鼎中封菑川靖王子劉國爲侯國淄水又東北馬車瀆水注之受巨淀淀卽濁水所注也呂忱曰濁水一名溷水出廣縣爲山世謂之冶嶺山東北流逕廣固城西城在廣縣西北四里四周絕澗阻水深隍晉永嘉中東萊人曹嶷所造也水側山際有五龍口義熙五年劉武帝伐慕容超于廣固也以藉險難攻兵力勞弊河間人立

文說裕云昔趙攻曹嶷望氣者以爲灑水帶城非可攻拔若塞五龍口城當必陷石虎從之嶷請降降後五日大雨雷電震開後慕容恪之攻段龕十旬不拔塞口而龕降降後無幾又震開之今舊基猶存宜試脩築裕塞之超及城內男女皆悉羸弱病者大半超遂出奔爲晉所擒也然城之所跨寔憑地險其不可固城者在此濁水東北流逕堯山東從征記曰廣固城北三里有堯山祠堯因巡狩登此山後人遂以名山廟在山之左麓廟像東面華宇脩整帝圖嚴飾軒冕之容穆然山之上頂舊有上祠今也毀廢無復遺式盤石上尙有人馬之跡徒黃石而已惟刀劍之蹤逼真矣至于燕鋒代鏑魏鋏齊鐸與今劍莫殊以蜜模寫

水經注匯校

卷二十六

三

朱箋以蜜模寫謂以蠟模榻其迹也知人功所制矣西望胡公陵孫暢之所

云青州刺史傅弘仁言得銅棺隸書處濁水又東北流逕東陽城北東北流合長沙水水出逢山北阜世謂之陽水也東北流逕廣縣故城西舊青州刺史治亦曰青州城陽水又東北流石井水注之水出南山山頂洞開望若門焉俗謂是山爲劈頭山其水北流注井井際廣城東側三面積石高深一匹有餘長津激浪瀑布而下澎聶之音驚川聒谷滿濟之勢狀同洪河北流入陽水余生長東齊極遊其下于中闊絕乃積縣載後因王事復出海岱郭金紫惠同石井賦詩言意彌日嬉娛尤慰羈心但恨此水時有通塞耳陽水東逕故七級寺禪房南水北則長廡編駕迴閣

承阿林之際則繩坐疏班錫鉢開設所謂脩脩釋子眇眇
禪樓者也陽水又東逕東陽城東南義熙中晉青州刺史
羊穆之築此以在陽水之陽卽謂之東陽城世以濁水爲
西陽水故也水流亦有時窮通信爲靈矣昔在宋世是水
絕而復流劉晃賦通津焉魏太和中此水復竭輟流積年
先公除州卽任未暮是水復通澄映盈川所謂幽谷枯而
更溢窮泉輟而復流矣海岱之士又頌通津焉平昌龍民
孫道相頌曰惟彼澠泉竭踰三齡祈盡珪璧謁窮斯牲道
從隆替降由聖明臺民河間趙疑頌云敷化未暮元澤潛
施枯源揚瀾涸川滌陂北海郭欽曰先政輟津我后通洋
但頌廣文煩難以具載陽水又北屈逕漢城陽景王劉章

小經注匯校

卷二十六

廟東東注于巨洋後人竭斷令北注濁水時人通謂濁水
爲陽水故有南陽北陽水之論二水渾流世謂之爲長沙
水也亦或通名之爲澠水故晏謨伏琛爲齊記並云東陽
城旣在澠水之陽宜爲澠陽城非也世又謂陽水爲洋水
余按羣書盛言洋水出臨朐縣而陽水導源廣縣兩縣雖
鄰川土不同于事疑焉濁水又北逕臧氏臺西又北逕益
城西又北流注巨淀地理志曰廣縣爲山濁水所出東北
至廣饒入巨淀巨淀之右又有女水注之水出東安平縣
之蛇頭山從征記曰水西有桓公冢甚高大墓方七十餘
丈高四丈圓墳圍二十餘丈高七丈餘一墓方七丈二墳
晏謨曰依陵記非葬禮如承世故與其母同墓而異墳伏

琛所未詳也。冢東山下女水原有桓公祠，侍其衡。何云侍名。趙云漢有侍其元矩，見伏滔青土人物論，與孫賓石劉公山並敘。正當魏武時人爲齊人，或元矩卽衡字耶。奏魏武王所立曰：近日路次齊郊，瞻望桓公墳壟在南山之阿，請爲立祀爲塊然之主。郭緣生述征記曰：齊桓公冢在齊城南二十里，因山爲墳。大冢東有女水，或云齊桓公女冢在其上，故以名水也。女水導川東北流，甚有神焉。化隆則水生，政薄則津竭。燕建平六年，水忽暴竭，立明惡之寢病而亡。燕太上四年，女水又竭。慕容超惡之，燕祚遂淪。女水東北流，逕東安平縣故城南。續述征記曰：女水至安平城南，伏流十五里，然後更流北注陽水。城故鄆亭也。春秋魯莊公三年，紀季以鄆入齊。公羊傳曰：季者何？紀侯弟

水經注匯校

卷二十六

西

也。賢其服罪，請鄆以奉五祀。田成子單之故邑也。後以爲縣。博陵有安平，故此加東也。世祖建武七年，封菑川王子劉茂爲侯國，又逕東安平城東。東北逕龔丘，東東水入巨淀。地理志曰：菟頭山女水所出，東北至臨淄，入巨淀。又北爲馬車瀆，北合淄水。又北時澗之水，注之時水出齊城西北二十五里平地，出泉卽如水也。亦謂之源水，因水色黑，俗又目之爲黑水。西北逕黃山，東又北歷愚山。東有愚公冢，時水又屈而逕北山，北有愚公谷。齊桓公時，公隱于谷，鄰有認其駒者，公以與之。山卽杜山之通阜，以其人狀愚，故謂之愚公水。有石梁，亦謂之爲石梁水。又有瀆水，注之水出時水東，云臨淄城十八里，所謂瀆水也。俗以瀆水爲

宿留水西北入于時水孟子去齊三宿而後出澶故世以

此而變水名也

趙云畫水因孟子三宿于此故有宿留之名也近毛奇齡經問欲分畫畫為二邑謂畫邑在臨淄西南是孟子所宿處畫邑在齊西北燕封王罾之地妄生穿鑿不若酈注為當矣

水南山西有王罾墓昔樂毅伐齊賢而封之罾不受自縊而死水側有田引水溉跡尚存時水又西北逕

西安縣故城南本渠丘也齊大夫雒廩之邑矣王莽更之曰東寧時水又西至石洋堰分為二水謂之石洋口枝津

西北至梁鄒入濟時水又北逕西安城西又北京水系水注之水出齊城西南世謂之寒泉也東北流直申門西京

相璠杜預並言申門即齊城南面西第一門矣為申池昔齊懿公遊申池邴歟閻職二人害公于竹中今池無復髮

水經注匯校 卷二十六

五

鬣然水側尚有小小竹木以時遺生也左思齊都賦注申

池在海濱齊藪也余按春秋襄公十八年晉伐齊戊戌伐雍門之萩已亥焚雍門壬寅焚東北二郭甲辰東侵及濰

南及沂而不言北掠于海且晉獻子尚不辭死以逞志何容對仇敵而不懲暴草木于海嶼乎又炎夏火流非遠遊

之辰懿公見弑蓋是白龍魚服見困近郊矣左氏捨近舉遠考古非矣杜預之言有推據耳系水傍城北流逕陽門

西水次有故封處所謂齊之稷下也當戰國之時以齊宣王喜文學遊說之士鄒衍淳于髡田駢接子慎到之徒七

十六人皆賜列第為上大夫不治而論議是以齊稷下學士復盛且數百十人劉向別錄以稷為齊城門名也談說

之士期會于稷門下故曰稷下也鄭志張逸問書贊云我先師棘下生何時人鄭玄答云齊田氏時善學者所會處也齊人號之棘下生無常人也余按左傳昭公二十二年莒子如齊盟于稷門之外漢以叔孫通爲博士號稷嗣君史記音義曰欲以繼蹤齊稷下之風矣然棘下又是魯城內地名左傳定公八年陽虎劫公伐孟氏入自上東門戰于南門之內又戰于棘下者也蓋亦儒者之所萃焉故張逸疑而發問鄭玄釋而辯之雖異名互見大歸一也趙云寰宇記棘下齊城內地名棘稷聲相近不得引魯地以釋齊城內有故臺有營丘有故景王祠卽朱虛侯章廟矣晉起居注云齊有大蛇長三百步負小蛇長百餘步逕于市中市人悉觀自北門所入處也

水經注匯校

卷二十六

六

北門外東北二百步有齊相晏嬰冢宅左傳晏子之宅近市景公欲易之而嬰弗更爲誠曰吾生則近市死豈易志乃葬故宅後人名之曰清節里系水又北逕臨淄城西門北而西流逕梧宮南昔楚使聘齊齊王饗之梧宮卽是宮矣其名猶名梧臺里臺甚層秀東西百餘步南北如減卽古梧宮之臺臺東卽闕子所謂宋愚人得燕石處臺西有石社碑猶存漢靈帝熹平五年立其題云梧臺里系水又西逕葵丘北春秋莊公八年襄公使連稱管至父戍葵丘京相璠曰齊西五十里有葵丘地若是無庸戍之僖公九年齊桓會諸侯于葵丘宰孔曰齊侯不務脩德而勤遠略明葵丘不在齊也引河東汾陰葵丘山陽西北葵城宜在

此非也。余原左傳連稱管至父之戍葵丘，以爪時為往還之期，請代弗許，將為齊亂，故令無寵之妹候公于宮，因無知之緇遂害襄公。若出遠無代，寧得謀及婦人而為公室之亂乎？是以杜預稽春秋之旨，即傳安之注于臨淄西。此案句有不得捨近託遠，苟成已異于異，可殊即義為負，然則葵丘之戍即此地也。系水西左迤為潭，又西逕高陽僑郡南魏所立也。又西北流注于時，時水又東北流，澗水注之。水出營城東，世謂之漢溱水也。西北流逕營城北。漢景帝四年封齊悼惠王子劉信都為侯國，澗水又西逕樂安博昌縣故城南。應劭曰：昌水出東萊昌陽縣，道遠不至取其嘉名，闕駟曰：縣處勢平，故曰博昌。澗水西歷貝丘，京相璠

水經注匯校

卷二十六

七

曰博昌縣南近澗水，有地名貝丘，在齊城西北四十里。春秋莊公八年，齊侯田于貝丘，見公子彭生豕立而泣，齊侯墜車傷足，于是處也。澗水又西北入時水，從征記又曰：水出臨淄縣北，逕樂安博昌南界，西入時水者也。自下通謂之為澗也。昔晉侯與齊侯宴，齊侯曰：有酒如澗，指喻此水也。時水又屈而東北，逕博昌城北。時水又東北逕齊利縣故城北，又東北逕巨淀縣故城北，又東北逕廣饒縣故城北，東北入淄水。地理風俗記曰：淄入濡。全云東州無濡水，此所云濡即耐水，一名如也。古文濡如通，然淄水支流通濟，則由濡以達濟，非其經流也。淮南子曰：白公問微言曰：若以水投水，如何？孔子曰：淄澗之水合，易牙嘗而知之，謂斯水矣。

又東北入于海

淄水入馬車瀆亂流東北逕琅槐故城南又東北逕馬井城北與時澗之水互受通稱故邑流其號又東北至皮丘坑入于海故晏謨伏琛並言淄澗之水合于皮丘坑西地理志曰馬車瀆至琅槐入于海蓋舉縣言也

汶水出朱虛縣泰山

山上有長城西接岱山東連琅邪巨海千有餘里蓋田氏之所造也竹書紀年梁惠成王二十年齊築防以為長城竹書又云晉烈公十二年王命韓景子趙烈子翟員伐齊入長城史記所謂齊威王越趙侵我伐長城者也伏琛晏謨並言水出縣東南嶧山山在小泰山東者也

水經注匯校

卷二十六

六

北過其縣東

汶水自縣東北逕郚城北地理風俗記曰朱虛縣東四十里有郚城亭故縣也又東北逕管寧冢東故晏謨言柴阜西南有魏獨行君子管寧墓墓前有碑又東北逕柴阜山北山之東有徵士郚原冢碑誌存焉汶水又東北逕漢青州刺史孫嵩墓西有碑碣汶水又東逕安丘縣故城北漢高帝八年封將軍張說為侯國地理志曰王莽之誅鄧也孟康曰今渠丘亭是也伏琛晏謨齊記並言莒渠丘亭在安丘城東北十里非矣城對牟山山之西南有孫賓碩兄弟墓碑誌並在也

又北過瀆于縣西又東北入于淮

趙云曾彥和謂汶水有二出萊蕪縣原山入濟者徐

州之汶也出朱虛縣泰山入濰者青州之汶也又于欽曰齊有三汶入濟之汶見禹貢論語謂之汶上書傳謂之北汶即今大清河入濰之汶見漢書是即東汶入沂之汶見水經三汶以清河為大

故夏后氏之斟灌國也周武王以封漑于公號曰漑于國春秋桓公六年冬州公如曹傳曰漑于公如曹度其國危遂不復也其城東北則兩川交會也

濰水出琅邪箕縣濰山顧氏炎武日知錄曰濰水出琅邪箕屋山尚書禹貢濰淄其道左傳襄公十八年晉師東侵及濰是也其字或省水作維或省系作淮又或從心作惟總是一字漢書地理志琅邪郡朱虛下箕下作維靈門下橫下析泉下作淮上文引禹貢維留其道又作惟一卷之中異文三見古人之大或省或借其旁並從鳥佳之佳則一爾後人誤讀為淮沂其又之淮而呼此水為槐河失之矣

琅邪山名也越王句踐之故國也句踐并吳欲霸中國徙都琅邪秦始皇二十六年滅齊以為郡城即秦皇之所築

水經注匯校 卷二十六

九

也遂登琅邪大樂之山作層臺于其上謂之琅邪臺臺在城東南十里孤立特顯出于眾山上下周二十里餘傍濱巨海秦王樂之因留三月乃徙黔首三萬戶于琅邪山下復十二年所作臺基三層層高三丈上級平做方二百餘步廣五里刊石立碑紀秦功德臺上有神淵淵至靈焉人汗之則竭齊潔則通神廟在齊八祠中漢武帝亦嘗登之漢高帝呂后七年以為王國文帝三年更名為郡全云於漢高后七年以封營陵侯呂澤為王國文帝元年更為郡方合王莽改曰填夷矣濰水導源濰山許慎呂忱云濰水出箕屋山淮南子曰濰水出覆舟山蓋廣異名也東北逕箕縣故城西又西析泉水注之水出析泉縣北松山東南流逕析泉縣東又東南逕仲固

山東北流入于濰地理志曰至箕縣北入濰者也濰水又東北逕諸縣故城西春秋文公十二年季孫行父城諸及鄆傳曰城其下邑也王莽更名諸并矣濰水又東北涓水注之水出馬耳山山高百丈上有二石並舉望齊馬耳故世取名焉東去常山三十里涓水發于其陰北逕婁鄉城東春秋昭公五年經書夏莒牟夷以牟婁防茲來奔者也又分諸縣之東爲海曲縣故俗人謂此城爲東諸城涓水又北注于濰水

東北過東武縣西

縣因岡爲城城周三十里漢高帝六年封郭蒙爲侯國王莽更名之曰祥善矣又北左合扶淇之水水出西南常山

水經注匯校卷二十六

千

東北海注濰晏謨伏琛

閱案官本作晏伏今依趙本加

並以濰水爲扶淇

之水以扶淇之水爲濰水非也按經脈誌濰自箕縣北逕東武縣西北流合扶淇之水晏謨伏琛云東武城西北二里濰水者卽扶淇之水也濰水又北右合盧水卽久台水也地理志曰水出琅邪橫縣故山王莽之令丘也山在東武縣故城東南世謂之盧山也西北流逕昌縣故城西東北流齊地記曰東武城東南有盧水水側有勝火木方俗音曰櫟子其木經野火燒死炭不滅故東方朔云不灰之木者也其水又東北流逕東武縣故城東而西北入濰地理志曰久台水東南至東武入濰者也尙書所謂濰淄其道矣

又北過平昌縣東

濰水又北逕石泉縣故城西王莽之養信也地理風俗記曰平昌縣東南四十里有石泉亭故縣也濰水又北逕平昌縣故城東荆水注之水出縣南荆山阜東北流逕平昌角有臺臺下有井與荆水通物墜于井則取之荆水昔常有龍出入于其中故世亦謂之龍臺城也荆水又東北流注于濰濰水又北涪水注之水出涪山世謂之巨平山也地理志曰靈門縣有高原山壺山案原即柘字近刻訛作有高原山與涪一山涪水所出東北入濰今是山西接涪山許慎說文言水出靈門山世謂之涪汶矣其水東北逕姑幕縣城城東縣有

水經注匯校

卷二十六

三

五色土王者封建諸侯隨方受之故薄姑氏之國也闕駟曰周成王時薄姑與四國作亂周公滅之以封太公是以地理志曰或言薄姑也王莽曰季睦矣應劭曰左傳曰薄姑氏國太公封焉薛瓚漢書注云博昌有薄姑城未知孰是涪水又東北逕平昌縣故城北古竭此水以溢溉田南注荆水涪水又東北流而注于濰水也

又北過高密縣西

應劭曰縣有密水故有高密之名也然今世所謂百尺水者蓋密水也水有二源西源出奕山亦曰鄆曰山山勢高峻隔絕陽曦晏謨曰山狀鄆曰是有此名伏琛曰山上鄆曰故名鄆曰山也其水東北流東源出五弩山西北流同

瀉一壑俗謂之百尺水古人竭以溉田數十頃北流逕高密縣西下注濰水自下亦兼通稱焉亂流歷縣西碑產山西又東北水有故堰舊鑿石豎柱斷濰水廣六十許步掘東岍激通長渠東北逕高密縣故城南明帝永平中封鄧震爲侯國縣南十里蓄以爲塘方二十餘里古所謂高密之南都也溉田一頃許陂水散流下注夷安澤濰水自堰北逕高密縣故城西漢文帝十六年別爲膠西國宣帝本始元年更爲高密國王莽之章牟也濰水又北昔韓信與楚將龍且夾濰水而陣于此信夜令爲萬餘囊盛沙以遏濰水引軍擊且僞退且退北信決水水大至且軍半不得渡遂斬龍且于是水西有厲阜阜上有漢司農卿鄭康

水經注匯校

卷二十六

三

成冢石碑猶存又北逕昌安縣故城東漢明帝永平中封鄧襲爲侯國也郡國志曰漢安帝延光元年復也

又北過濇于縣東

濰水又北左會汶水

何云此東汶也

北逕平城亭西又東北逕密

鄉亭西郡國志曰濇于縣有密鄉地理志皆北海之屬縣也應劭曰濇于縣東北六十里有平城亭又四十里有密鄉亭故縣也濰水又東北逕下密縣故城西城東有密阜地理志曰有三戶山祠余按應劭曰密者水名是有下密之稱俗以之名阜非也

又東北過都昌縣東

濰水東北逕逢萌墓萌縣人也少有大節恥給事縣亭遂

浮海至遼東復還在不其山隱學明帝安車徵萌以佯狂免又北逕都昌縣故城東漢高帝六年封朱軫為侯國北海相孔融為黃巾賊管亥所圍于都昌也太史慈為融求救劉備持的突圍其處也

又東北入于海

膠水出黔陬縣膠山北過其縣西

齊記曰膠水出五弩山蓋膠山之殊名也北逕祝茲縣故

城東漢武帝元鼎中趙云漢表是元封此封膠東康王子

延為侯國又逕扶縣故城西地理志琅邪之屬縣也漢文

帝元年封呂平為侯國膠水又北逕黔陬故城西袁山松

郡國志曰縣有介亭地理志曰故介國也春秋僖公二十

水經注匯校 卷二十六

九年閱案官本脫二十介葛盧來朝聞牛鳴曰是生三犧

皆用之間之果然晏謨伏琛並云縣有東西二城相去四

十里有膠水非也斯乃根艾水也閱案根舊作拒官本戴

校本攷漢志水出縣西南根艾山即齊記所謂黔艾山也

正作根艾水東北流逕柎縣故城西王莽之祓同也世謂之王城又謂

是水為洋水矣又東北流晏伏所謂黔陬城西四十里有

膠水者也又東入海地理志琅邪有柎縣根艾水出焉東

入海即斯水也今膠水北流逕西黔陬城東晏伏所謂高

密郡側有黔陬縣地理志曰膠水出柎縣王莽更之純德

矣疑即縣所未詳也

又北過夷安縣東

縣故王莽更名之原亭也應劭曰故萊夷維邑也太史公曰晏平仲萊之夷維之人也漢明帝永平中封鄧珍爲侯國西去濰水四十里膠水又北逕膠陽縣東晏伏並謂之東亭自亭結路南通夷安地理風俗記曰瀆于縣東南五十里有膠陽亭故縣也又東北流左會一水世謂之張奴水水發夷安縣東南阜下西北流歷膠陽縣注于膠膠水之左爲澤渚東北百許里謂之夷安潭潭周四十里亦濰水枝津之所注也膠水又東北逕下密縣故城東又東北逕膠東縣故城西漢高帝元年別爲國景帝封子寄爲王國王莽更之郁秩也今長廣郡治伏琛晏謨言膠水東北迴達于膠東城北百里流注海

水經注匯校

卷二十六

十四

又北過當利縣西北入于海

縣故王莽更名之爲東萊亭也又北逕平度縣漢武帝元朔二年封菑川懿王子劉衍爲侯國王莽更名之曰利盧也縣有土山膠水北歷土山注于海海南土山以北悉鹽坑相承脩煮不輟北眺巨海杳冥無極天際兩分白黑方別所謂溟海者也故地理志曰膠水北至平度入海也